

مکرمات و اخبار


ادبی و سیاسی رساله اسبوعیه در

۳۱ نجی سنه

۲۶ رجب ۱۳۳۰

پنجشنبه

جلد: ۱۵ - جزو: ۱۵۴



سليمان نظيف بكك بصره دن برمكتوبى

ابوالضيا توفيق بك افندى به

شطرة المنتفك ، ۲ تموز ۱۹۱۰

.....

قاچ گوندر منتفك چولارلرنده سورونيورز . برى ، بحرى نه قدر وسائط
تقليه وارسه — بالطبع اشكال ابتدائيه ده ! — هپسندن استعانه ايده ايده
بصره دن (منتفك) سنجاغلك مركز اداره سى اولان (ناصريه) قصبه سنه ،
ناصریه دن ده شطرة المنتفكه كلذك . شطرنك خراپيسنى ايكي آى اولكى
بر اغتشاش تزيب ايتمش . ألمزده هيج بر واسطه اولمدينى حالده بيك مشكله
چاره ساز دفع و تعديل اولمغه چالشيورز . يالاندن بشقه مؤثر بر سلاح
و تدبير من يوقدر . الله شيخ سعدى به بيك كره رحمت ايتسون ، كه (دروغ
مصلحت آميز) ك فتواى مباحيتنى آلتى يوز بوقدر سنه اول اعطا ايتمش .
بوگون بز بوسايه ده وجدانمى عذاب و حجابدن قورتارمغه چالشيورز .
(تصوير افكار) ك اختيار تعطيل ايتديكنى بغدادده خبر آلام . حتى
بونك ايچون ذات عاليليله برر تلغرافنامه ده تعاطى ايتمشدك . هر شمس -
غارب ايچون بر طلوع مقدر و يا مبشر اولديغنى خبر و یرن صر بجه
بر مصرعك مفاد تسليتسازندن استمداد ايله ادامه اميد ايتك ايتيوردیكنز .
هيات ! . . نه قدر شمس حقيقه و معنويه مؤبداً افول ايتدى . و حالا
سونيور ! . . سز صرف خيالدن تسليت اميد ايتمشسكنز . انشاالله

تصوير افكار يگنر تكرر طالع اولور . اولمازسه الك نفيس بر غزته نك
مايه دوامى احضار ايدمهين بو خلقه وبوملكته ميلونلرجه حيف واسف!..
فقط بن سزه بو هم المى ، هم لزومسن شيلرى سويليه جكدم . سزكله
تاريخى بر حسب حال ايتك ايسترم . بو حسب حالك بو محل ايله مناسبت قويه سى
واردر . بكا اويله كليور ، كه بصره يه تاخير ايديلرسه قيمتى قالماز .

بيدير سگنر ، كه حجاجك اجراى حكومت ايتديكى محل (باسط)
قصبه سيدر . و بو (باسط) بوكون قصبه معزولى بر قريه در . منتفك
سجناغى مضافاتندن (حى) قضاسى داخلنده بولنيور . شمعى بولنديغم محل
ايله (باسط) موقعتك آراسى ، مشى خيول ايله آلتى ساعت ايمش . بوموسمه
جزيرة العرب كونشك بى امانلى اولماسه يدى اورايه قدر كيدر دم .

حجاجى زيارت ايتمكله حظ وجدانى حس ايدر م . چونكه قناعت عموميه
نه قدر حدت ايدرسه ايتسون ، بن اق مرحومى فوق العاده سونلردن وتقدير
ايدنلردنم . خليفه لر ، پادشاهلرده داخل اولدينى حالده ، خطه صراقيه
تاريخ اسلامجه طائىدينى گوندن برى گلن زمامداران امورك الك عاقلى
و مدبرى حجاجدر . آندن صكره مدحت پاشا كلير .

خاطر مده قالديقنه كوره حجاج اوتوز بش سنه بو قيزغين چوللرده
حكومت ايتمش . و هندستانى ، تركستانى بورالردن قمع ايتدير مش . حجاج كى
حكيم و جهان بين بر آدم البته زمانى ايجون الك لزوملى بر شكل اداره يى
انخاذايتمشدى . ضرورتلر ، محظوراتى اباحه ايدر . بونكله برابر حجاجه
اسناد اولنان افعال ومظالمك يوزده طقسان بشى اثر غرض ، افترا ، مبالغه ،
يالاندر . شهر شهداسى اعلان اولنان سعيد بن جبىرك بيله مسئله قلى
بيطرفانه تدقيق اولنسه حجاجك برائى تظاهرايدر . عمر بن عبدالعزيز
رضى الله عنه افندمزده اولسه يدى ، اق زمانده و اقمكانده حجاجك حركت
ضروريه سنى اختيار و يا سلطنت دن يويه سنه ، و بىدأ وداع ايدر دى ! .

دولت امویہ ناک سقوطنی ایجاب ایتمش اولان قیامک تحدتی حجاج
 آنحق بو طرز اداره ایلہ تأخیر ایتمشدی . عباسیلر امویلرک مقامنه کچمکله
 صانکله انسانیت و اسلامیت بر شیمی قازاندی ؟ . . خلیفه عبدالملک نامنه
 مأذون اولدینی امر قضایی ینہ خلیفه علیهنده استعماله تشبث ایتمش اولمسندن
 طولایی مستحق نکال گورلمش اولان اسیرالاصل سعید بن جبیری اعدام
 ایتمکله ، قرآنہ مخلوق دیمدیکی ایچون خلیفه عباسی مأمونک امریلہ طایق
 آلتندہ افلا ایدلمش اولان زواللی امام حنبلک شهادتی آراسندنہ بر فرق
 وارسہ بو فرق حجاجک علیهنده دکل ، لهنده در .

فقط بن بو حقایق صمیمیہ کیسه یه سویلیهم . سویلیک ایستسہم بیله
 کیسه دیگمک و اینامق ایستسہمز . حجاجک (باسط) دهکی اقامتکاهندن
 حالا نشانلر موجود ایمش . بوراده نامنه بر اثر تذکار وجوده کتیرمکی
 تصور ایتم . بصرہ اشرافندن و حمیت و جدیتی توقیر ایتمدیکم ذواتندن
 عبدالوهاب القرطاس پاشا نصایح خیر خواهانه سیله بو املک حیز حصوله
 وصولنی اشکال ایتمدی . عبدالوهاب پاشانک فکر و قولنه کوره ، بن بویله
 شی یاپار سہم افکار عمومیه یه سؤ تأثیر ایدرمش . و افکار عمومیه ناک
 بوصورتله متأثر اولسی موقیعتی اشکال ایدرمش .

عوامک نمایلاتسہ خواصک جز به گذار اولسی بزده کثیرالوقوعدر .
 هرکس ، خلقک میل و ذہابی - باطلده اولسہ - نظر اعتباره آلیور .
 حتی نه قورشوندن ، نه قانوندن قورقان طلعت بک کبی قبادانی بر داخلیه
 ناظری بیله عوام دینیلن کتله متنفسه اوکنده آردصرہ رضا جویانه بر شکل
 و وضع آلمقدهدر .

بوسوزمدن طلعت بکی تقدیر ایتمدیکم آکلا شلمسون ، او بوزمان و مکان
 ایچون امثالسز بر داخلیه ناظریدر .

خاطر مدد در : بر کون بابامک ياننده حجاجی ثنا ايدر گبی اولمشدم .
 (مرآة العبر) مؤلفی . اجتهاد مدد کی خطایی - اگر وارسه - ايضاحات
 مدللہ و مقنعہ ايله تصحيح ايدم جک برده ، (طلمک نفرت ايتديکی اويله بر
 حريف حقندہ حسن نيت و حسن شهادت کوسترمکه مآذون دکلسک .
 چيق طيشاری !) امريله سوزمی بوغازمه و قناعتمی وجدانه طيقادی .
 حال بو که بابام مسائل عليهده حلیم و حمول بر آدمدی . و بعضاً بر
 مسئله ايچون ساعتلرجه ايضاحات و بر مکدن اوشغزدی . ديمک که حجاجک
 داستان مخيل مظالمی هر کس گبی بابامک ده وجداننده بر شعله کين ايقاد
 ايتشدی . بونک شين وعاری حجاجدن زياده . بزه و هميزه راجع اولوق
 اقتضا ايدر .

سز (کتابخانه مشاهير) مياننده حجاجک ده ترجمه حافی يازه جفنگزی
 وعد و اعلان ايتشديگزر . نيلم ، انجامز وعد ايتديگزمی ؟ . . .
 حميد و هي افندی (مشاهير اسلام) صرهمنده حجاج ايچون بر جزؤ
 نشر ايتمشسده مورخين قديمه نك قيل و قالنی بر کره ده اخلاصه و تکرار
 ايتمکدن بشقه بر اثر تجدد و اثر انصاف کوسترمه مامش . سزدن و همت
 و فضيلتگزدن بالخاصه رجا ايدرم ، که (کتابخانه مشاهير) ک بو نقصاتی
 همان اکمال ايدیگزر . حجاجک حقوق مغصوبه تاريخيه سنی اعاده ايتمک قدر
 بر مورخ ايچون ثواب و صواب اوله بيله جک بر شی یوقدر . نامه اعمالگزه
 بو خیری تسجیل ايتمکدن نفسگزی محروم بيورمايیگزر .
 بو چوللرده مؤبدأ قالمق مقدراتمزدن دکل سه برايکی گونه قدر بصریه
 عودت مقرر اتمزدن در . تعظيما ت و تحسرات مالانهایمی بر کره ده
 بوورقباره حضور سامیگزه ابلاغ ايتسون . باقی . . .

سليمان نظيف